

tam apicalem partem marginis interiorem oculorum insertae, sordide pallide subvirescenti-flavescentes, articulo primo apicem clypei sat longe superante, secundo primo circiter triplo longiore, versus apicem non nisi levissime incrassato, tertio lutescente, secundo paullo longiore et paullo graciliore. Pronotum latitudine basali circiter $\frac{1}{4}$ brevius, lateribus late sinuatis, basi quam apice paululum magis quam duplo latius, margine basali latissime et levissime sinuato, disco versus apicem sat leviter convexo-declivi, pilis longis erectis fuscis parce instructo, strictura apicali optime discreto. Scutellum pilis nonnullis erectis fuscis, parte apicali sat leviter convexa. Hemielytra pilis destituta, marginibus exterioribus fasciae anticae et maculae apicalis corii fere aequae longis. Alae areola hamo a vena sustensa emisso, ab origine venae decurrentis paullo remoto. Abdomen nitidissimum, basi paullo pallidius. Tarsi pallidius fusciscentes, articulo tertio secundo distincte longiore.

9. *Aspidacanthus* Reut.

Diagn.: Capite nutante, magno, ab antico viso ovali, latitudine media fere duplo longiore, a latere viso superne aequaliter arcuato, clypeo prominulo, basi linea transversali impressa a fronte discreto, basi longe infra lineam inter bases antennarum ductam posita, loris bene discretis sed brevibus, gula peristomio multo longiore, obliqua, late sulcata, marginibus acutiusculis, genis altis, depressis: oculis oblongo-subovalibus, ne minime quidem prominentibus, in medio laterum capitis positis; rostro gracili, apicem coxarum anticarum attingente, articulo primo peristomii longitudine; antennis fere ad tertiam apicalem partem oculorum interne insertis, ab oculis sat longe remotis, articulo primo brevi, gracili, oculo saltem duplo brevior, secundo sublineari, breviusculo, duobus ultimis crassioribus et simul sumtis secundo longioribus; pronoto strictura angusta apicali iucrassata instructo, antice collum sat longum angustum horizontale et parallelum formante, ante medium